



BOSNIA AND HERZEGOVINA
INSTITUTE OF METROLOGY
OF BOSNIA AND HERZEGOVINA

Broj: UP 05.1-46-6-FD-95-8/25

Sarajevo, 20.08.2025. godine

Na osnovu člana 15. stav 2, Zakona o mjeriteljstvu Bosne i Hercegovine („Službeni glasnik BiH“, broj 19/01), člana 61. stav 2. Zakona o upravi („Službeni glasnik BiH“, br. 32/02, 102/09 i 72/17) i člana 197. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), te u skladu sa Pravilnikom o imenovanim mjeriteljskim laboratorijama („Službeni glasnik BiH“, broj 75/14), a po zahtjevu „Mikroelektronika“ a.d. Banja Luka, Blagoja Parovića bb, 78000 Banja Luka, BiH, direktor Instituta za mjeriteljstvo Bosne i Hercegovine donosi

RJEŠENJE
o imenovanju laboratorije

1. Ovim Rješenjem imenuje se „Mikroelektronika“ a.d. Banja Luka, Blagoja Parovića bb, 78000 Banja Luka, za obavljanje poslova verifikacije mjerila (brojila) električne energije, prema tabeli iz tačke 2 koja je u prilogu ovog rješenja.
2. Rješenje o imenovanju laboratorije sa prilogom koji je sastavni dio ovog rješenja važi do 29.09.2027. godine.
3. Nadzor nad radom imenovane laboratorije vršit će Institut za mjeriteljstvo Bosne i Hercegovine (u daljem tekstu: Institut) najmanje jedanput godišnje, na osnovu člana 33. stav 2. Zakona o mjeriteljstvu BiH i Pravilnika o imenovanim mjeriteljskim laboratorijama.
4. Imenovana laboratorija je obavezna da vodi evidenciju verifikovanih mjerila i dva puta mjesečno dostavlja izvještaj o izvršenoj verifikaciji elektronskim putem e-mail verifikacijamjerila@met.gov.ba
5. Imenovanoj laboratoriji dodjeljuju se verifikacione oznake sa brojem E11.
6. Rješenje stupa na snagu danom donošenja, a primjenjuje se od 30.09.2025. godine.

Obrazloženje

„Mikroelektronika“ a.d. Banja Luka, podnio je Institutu zahtjev za izdavanje rješenja o imenovanju laboratorije za verifikaciju mjerila (brojila) električne energije, sa pratećom dokumentacijom, zaveden pod brojem UP 05.1-46-6-95-1/25 od 23.06.2025. godine.

Uz zahtjev su dostavljeni sljedeći dokumenti: kopija registracionog lista pravnog lica, Certifikat o akreditaciji laboratorije u skladu sa standardom BAS EN ISO/IEC 17020 za oblast imenovanja, dokumentovane verifikacione metode koje su predmet imenovanja, kopije izvještaja o verifikaciji za prijavljenu oblast, certifikate o kalibraciji, etalona i mjernih instrumenata, poslovnik o kvalitetu laboratorije po kriterijima standarda BAS EN ISO/IEC 17020, spisak osoblja laboratorije sa njihovim kvalifikacijama i funkcijama.

U skladu sa Pravilnikom o imenovanim mjeriteljskim laboratorijama („Službeni glasnik BiH“, broj 75/14), od strane direktora Instituta, imenovana je Komisija za utvrđivanje ispunjenosti uslova u laboratoriji u kojoj se vrši verifikacija mjerila, rješenje broj UP 05.1-46-6-FD-95-2/25 od 01.07.2025. godine, sa zadatkom da utvrdi kompetentnost laboratorije za poslove verifikacije mjerila. Nadalje,



Branilaca Sarajeva 25, 71000 Sarajevo
☎ +387 33 56 89 01 ☎ +387 33 56 89 09
🌐 www.met.gov.ba ✉ info@met.gov.ba
ID BROJ: 4201178930001

CERTIFIED
ISO 9001





Komisija je pregledala zahtjev i utvrdila kompletnost dokumentacije koju mora ispunjavati imenovana laboratorija za obavljanje poslova verifikacije mjerila (brojila) električne energije, radi utvrđivanja činjenica neposrednim zapažanjem provela ocjenjivanje u prostorijama podnosioca zahtjeva.

U provedenom postupku je utvrđeno da laboratorija za verifikaciju mjerila "Mikroelektronika" a.d. Banja Luka, ispunjava posebne uslove propisane odredbama člana 4. Pravilnika o imenovanim mjeriteljskim laboratorijima, te utvrdila:

- (1) Da je laboratorija akreditirana kod Instituta za akreditiranje Bosne i Hercegovine – BATA, prema zahtjevima standarda BAS EN ISO/IEC17020:2013, inspeksijsko tijelo tip C, broj sertifikata IN-103-01 od 13.03.2025. godine. Akreditacija važi do 16.10.2028. godine.
- (2) Da je laboratorija obezbjedila dovoljan broj osoblja koje posjeduje kompetentnost za obavljanje aktivnosti verifikacije mjerila u predmetnoj oblasti, koje djeluje nepristrasno i radi u skladu sa sistemom kvaliteta. Spisak zaposlenog osoblja s funkcijama koje obavljaju u laboratoriji dat je u prilogu ovog rješenja (tabela iz tačke 1 priloga).
- (3) Da su tehnički rukovodilac laboratorije kao i svi uposleni upoznati sa postupkom ispitivanja i verifikacije mjerila (brojila) električne energije, održavanja mjerne i druge opreme, te se obavezuje da će se u poslovanju laboratorije pridržavati Zakona o mjeriteljstvu BiH („Službeni glasnik BiH“, broj 19/01), podzakonskih akata koji proizlaze iz Zakona o mjeriteljstvu BiH; podzakonskih akata koji su ostali na pravnoj snazi iz SFRJ i međunarodnih preporuka za zakonsko mjeriteljstvo.
- (4) Da laboratorija posjeduje certifikate o kalibraciji za radne etalone.

Slijedom svega navedenog Komisija je izradila Izvještaj sa ocjenjivanja broj UP 05.1-46-6-FD-95-7/25 od 08.08.2025. godine, na osnovu kojeg je ovaj organ u provedenom postupku utvrdio da "Mikroelektronika" a.d. Banja Luka, ispunjava uslove za imenovanje laboratorije, a sve u skladu sa članom 15. stav 2. Zakona o mjeriteljstvu Bosne i Hercegovine i Pravilnika o imenovanim mjeriteljskim laboratorijima, te je odlučio kao u dispozitivu ovog rješenja.

Sastavni dio ovog rješenja je prilog u kojem je dat spisak zaposlenog osoblja i specificirani opseg rada laboratorije.

Administrativna taksa po tarifi koja je propisana Zakonom o administrativnim taksama („Službeni glasnik BiH“, br. 16/02, 19/02, 43/04, 08/06, 76/06, 76/07, 03/08, 42/08, 03/10, 98/12, 15/14, 78/14, 32/17, 53/17, 62/17, 73/17, 68/19, 18/20, 30/22, 83/2022, 32/2023 i 14/2025) u iznosu 5,00 KM i 15,00 KM, naplaćena je od podnosioca zahtjeva.

Pouka o pravnom lijeku: Protiv ovog rješenja nije dozvoljena žalba, ali se može pokrenuti upravni spor pred Sudom Bosne i Hercegovine u roku od šezdeset (60) dana od dana prijema ovog rješenja.



Dostavljeno:

- Imenovanoj laboratoriji
- a/a



PRILOG I: Spisak zaposlenog osoblja i opsega aktivnosti verifikacije

1. SPISAK ZAPOSLENOG OSOBLJA

	Ime i prezime	Radno mjesto	Stručna sprema
1.	Momir Baralić	Tehnički rukovodilac/ Mjeritelj	VSS
2.	Nataša Brkić	Rukovodilac za sistem kvaliteta	VSS
3.	Danijela Danojević	Zamjenik tehničkog rukovodioca/ Mjeritelj	SSS
4.	Dajana Milanović	Zamjenik rukovodioca za sistem kvaliteta	VSS
5.	Adis Kušmić	Mjeritelj	SSS
6.	Aleksa Cvijić	Mjeritelj	SSS
7.	Julijan Kriškov	Mjeritelj	SSS
8.	Darko Zagorac	Mjeritelj	SSS
9.	Đorđe Dobrinjac	Mjeritelj	SSS
10.	Petar Kureljušić	Mjeritelj	SSS
11.	David Ojdanić	Mjeritelj	SSS
12.	Luka Radulić	Mjeritelj na obuci	SSS
13.	Aleksandar Ritan	Mjeritelj na obuci	SSS

2. SPECIFICIRANI OPSEG RADA LABORATORIJE

	Predmet verifikacije	Mjerni opseg	Napomena
1.	Elektronska (statička) brojila aktivne električne energije	Klasa tačnosti: A, B, C i 0.2S	Referentni dokument: - Pravilnik o metrološkim uslovima za mjerila aktivne električne energije ("Službeni glasnik BiH", broj 26/18)
2.	Elektronska (statička) brojila reaktivne električne energije	Klasa tačnosti: 0.5S, 1S, 1, 2 i 3	Referentni dokumenti: - Pravilnik o mjeriteljskim uslovima za statička mjerila reaktivne električne energije ("Službeni glasnik BiH", broj 71/23)

Napomena: Tehnički rukovodilac laboratorije je dužan da o svakoj promjeni zaposlenog osoblja, etalonske i druge mjerne opreme u pisanoj formi obavijesti Odsjek za imenovanje laboratorija, nadzor i verifikaciju, Instituta za mjeriteljstvo BiH.

